

**03 NOIEMBRIE**  
**RUGACIUNEA 1**  
**SF. PREOT-MUCENIC**  
**COSMA PETRICENKO**  
**DE LA SARATOV**

**Моли́тва**

**С**вященномучениче Космо́, па́стырю честный земли́ Саратовския, скорбми́ различными вше́дый в Ца́рство Небе́сное и кро́вию убели́вый ри́зы своя́! Тебе́ бо, я́ко еди́ному от со́нма новомученик Це́ркве Росси́йския, даде́ся благода́ть не то́кмо ве́ровати в Го́спода, но и постра́дати за Него́. Тебе́ в годи́ну лю́тых гоне́ний удосто́ил ест Хри́сто́с Бог наш не то́кмо за ве́ру правосла́вную тве́рдо стоя́ти, но и утвержда́ти в ней па́ству церко́вную. Тебе́, во всех испытáниях ве́рным явившемуся, возложи́ на главу́ вене́ц мученичества Творе́ц и Промыслíteль всего́ ми́ра, премудростию Своёю устра́яяй вся́цей души́ путь ко спасе́нию. Моли́ у́бо Его́,

укрепівшого тя в по́двизе крестоноше́ния, следова́ти и нам стезе́ю за́поведей ева́нгельских во вся дни живота́ нашего, блюсти́ чистоту́ души́ своея́, и пребы́ти в ве́ре правосла́вной до са́мого конца́ земна́го стра́нствования. Ве́руем бо и испове́дуем, я́ко мно́го мо́жет моли́тва пра́веднаго, от Го́спода поспе́шествуема. Сего́ ра́ди прибега́ем к тебе́, те́плому предста́телю и моли́твеннику о душа́х на́ших и наде́жду на тя по Бо́зе и Богоро́дице возлага́ем, да ходата́йствуеши прі́сно пред престόлом Бо́жиим о нас, ча́дех твои́х, ча́ющих спасе́ния улучи́ти и вни́ти в ве́чныя оби́тели, иде́же ты в невече́рнем све́те прославля́еши Тро́ицу Неразде́льную и Единосúщную, Отца́, и Сы́на, и Свята́го Ду́ха, ны́не, и прі́сно, и во ве́ки веко́в. Ами́нь.